

立杜絕賣契人維新里半路竹庄程化、姪力，有全承祖父明買過林來興下則田壹所，大小共叁坵受種壹甲，係化等鬮分應份之業。坐落土名蔡文庄前大埔墘，年帶馬料租粟伍石捌斗捌升正，納戶名字葉千。東至蔡林二宅田；西至車路南圳；北至埔，四至俱各明白爲界。今因乏銀費用，將此田先尽問房親人等不肯承受，外托中引就賣與蔡文庄陳道官出頭承買，三面言議着時價佛銀式佰大員。其銀即日全中交訖，其田隨即踏付銀主前去掌管起耕，招佃耕作，分收納課，永爲己業。一賣終休，日後子孫不敢言找，亦不敢言贖生端茲事。保此田果係化等應份之業，与叔兄弟姪房親人等無干，亦無重張典掛他人爲碍，以及來歷交加不明等情。如有此情，化等自出頭抵当，不干銀主之事，此乃二比甘愿，各無反悔，恐口無憑，合立賣杜絕契壹紙，并繳連上手契式紙，又帶鬮書壹紙，共肆紙，付執爲炤。

即日全中收過契內佛頭銀式佰大員完足。再炤。 註失至壹字，批明，再炤
另帶納蔡千馬料租粟壹石參斗式升正。

知見人堂伯敢生

爲中人林偏老

日立杜絕賣契人 程化
姪力

代書人 自筆



道光貳年貳月